

KHUTBA JUMMAH

HAZRAT MUHYI-UD-DIN AL-KHALIFATULLAH

Munir Ahmad Azim

18 Septembre 2015 ~
(04 Dhul-Hijjah 1436 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba lors:

ENE COMMENCEMENT BAGARRE RACIALE SUSPENDU TEMPORAIREMENT

Li malheureux pou trouve séki fine passé dans le Sud de Maurice, couma mo ti attire zot l'attention la semaine dernière, kot ene bane imbéciles fine gâte l'image de l'islam et so l'enseignement. Séki zot fine faire, eski li Islamique ? Premièrement même, par zot vilain action ki zot fine faire, zot fine désobéir Allah So commandement et So Rassool (saws). Donc, sa bane qualité dimoune là pas capave dire ki zot encore musulmans. Mo demande bane ki habitué donne *fatwas* et dire ki sanlà musulmans et ki sanlà pas musulmans, avec ene tel vilain action pareil, et ki l'islam enseigne nous vis-à-vis les autres religions, eski sa bane là encore musulmans ? La religion l'islam zamais fine accorder ou donne permission pour insulter, provoqué ou dénigrer bane dimounes ou sois zot croyances. Au contraire l'islam fine enseigne bane musulmans ki la tolérance dans la religion c'est ene vertu, et ene musulman de par so croyance, li bizin sympathique et li bizin ene dimoune ki veille à la protection de la vie, de l'honneur et de bane dibiens de so bane compatriotes. Li bizin pas faire nannié de mal pour nuire réputation les autres et li bizin respecter les autres zot bane croyances et zot bane lieux de cultes.

Le Saint Prophète (saws) fine dire ki le meilleur musulman c'est celui ki so la main et la langue pas nuire personne.

Ene côté guette bane vilains ki bane soi-disant musulmans fine faire, kot zot gâte l'enseignement de l'islam et de l'autre côté guette bane *Hajees* ki fine allé pou accomplir le Hajj. Guette dans ki façon honorable zot fine trouve la mort dans le chemin d'Allah. Et sa kalité la mort là, Allah

même dans Quran Shariff kalifié zot couma bane ki zot vivant éternellement et tout saki zot bizin, zot pou gagner de la part d'Allah.

Et de l'autre côté, ici à Maurice sa ki malheureux, bane musulmans pas pé comporte zot couma bane musulmans, et sa bane actions ki zot pé fer là, sa fine commence provoque ene commencement d'ene bagarre raciale (entre musulmans et Hindus/Tamoules), ki heureusement par la grâce d'Allah fine calmé, kot bane dimounes ti pé rode incite à la haine et la police fine procède à quelques arrestations kot parmi ena deux internautes (dimounes lors internet) ki fine soupçonné lors bane réseaux sociaux pou incite à la haine et non à la paix.

ENE NOUVELLE TRISTE CONCERNANT LE HAJJ 2015

Et couma mo fine dire zot, ici, à Maurice nous fine apprane la nouvelle bien triste Vendredi soir le 11 Septembre 2015 concernant sa drame ki fine arrive nous bane frères et sœurs kot la Grande Mosquée de la Mecque kot 107 personnes fine mort dans l'effondrement d'ene l'appareil de construction énorme et plisse ki 230 dimounes fine blessé. Sa fine passé à quelques jours de Hajj ki fine attire des centaines de milliers de bane fidèles du monde entier. Ene grue (l'appareil de construction – pou charyé bane matériaux etc) lors la Grande Mosquée dans Makkah ki ti là, sa moment là, à cause de bane travaux pour agrandi superficie de bane alentours de Kaaba Shariff fine effondrée à cause mauvais létemps. Sa agrandissement là ti pou permette la Mecque pou accueillir encore 2.2 millions dimounes pour le Hajj. Et alors, comparé avec bane les autres l'années, sa c'est pli pire tragédie ki fine touche bane lieux saints dans l'Arabie Saoudite depuis des années. Mais sa *Insha-Allah* pas pou affecté le commencement du Hajj ki pou commencé *Insha-Allah* le 21 Septembre prochain. D'après bane nouvelles ki fine gagner, tous bane musulmans sur place là-bas, de bane différents nations, zot tous fine mobilisé pou donne ene bon coup de main pou aide bane blessés et fer le nécessaires concernant nous bane frères et sœurs ki fine morts. En sa moment là, fine ena l'image de bane musulmans uni, kot sakaine fine porte zot volontaire pou donne zot disang pou sauve la vie de zot frères et sœurs musulmans.

Par la grâce d'Allah, kan mo fine tende sa, mo lécoeur fine vine bien lourd de chagrin et mo fine faire beaucoup *duahs* pour nous bane frères et sœurs ki fine affligés dans sa situation là, et ki fine bléssé et mo fine deboute devant mo Créateur dans mo bane Namaz, surtout mo Namaz Tahajjud pou supplier mo Rab en zot faveur et mo ti pé fer sa duah là : **« *As'alul laahal Azeem, Rabbal Arshil Azeem, an yashfi-yaka* »** - *Mo suppliyé Allah, Le Très Grand et Maître du Grand Trône to guéri zot.*

Pour bane ki fine mort lors la terre sainte, et surtout kot zot fine aller pou accompli le 5^{ème} pilier de l'Islam, alors toute suite mo fine pense lors sa Hadith kot Nabi Kareem Hazrat Muhammad (saws) fine dire ki celui ki faire sa duah là avec sincérité, alors li pou gagne la chance pou mort couma ene martyr dans le chemin d'Allah :

« Allahummar zuqnee shahaadatan fee sabeelika wajaal mautee bibaaladi rasoolika. » - O Allah accorde moi Shahaadat (Martyr) dans To chemin et faire moi mort dans la ville (cité) de To Rassool (saws).

Par la grâce immense d'Allah, pendant ki mo ti pé fer duahs pour nous bane frères et sœurs ki fine morts, kot zot fine aller pou alle fer Hajj, kot zot fine fer l'intention Hajj mais ki zot pas fine réussi à cause sa incident ki fine arrivé kot zot fine quitte sa le monde là, alors Allah révèle moi deux versets Quran ki fine reconforte mo lécoeur et ki mo fine rassuré ki sa malheur là fine en fait ene bonheur pou zot. Le premier verset li comme suite :

« Pas cause de bane ki fine tué pour la cause d'Allah comme mort. Au contraire, zot vivant mais ou pas réaliser. » (2: 155)

Après quelques l'heure temps, après Tahajjud, Allah (swt) révèle moi sa lotte verset Quran là :

« Pas considère bane ki fine tué pour cause Allah couma mort. Au contraire zot vivants et, auprès d'Allah, zot gagne tout séki zot bizin. » (3: 170)

Ki Allah accepter zot l'intention de Hajj et donne zot ene meilleur place dans *Jannat-ul-Firdaus*. Malgré zot pas fine réussi accompli le Hajj, mais zot l'intention compté devant Allah d'après sa deux versets ki Allah fine révèle moi là, et kot aussi zot fine gagne *Shahaadat* (martyr) dans le chemin d'Allah. *Alhamdulillah*. La mort fine écrire pour nous tous. Nous tous pou bizin mort ene jour, mais ki pli meilleur la mort ena ki nous mort dans le chemin d'Allah, pour la cause d'Allah ?

Alors mo fer ene l'appelle à tous bane familles ki fine perdi zot bane familles, et à tous bane frères et sœurs musulmans, pas bizin zot chagrin, ni tracasser, ni pleurer, ni cause bane mauvais causer, zot familles par la grâce d'Allah dans ene bon place kot Allah (swt) et zot vivant auprès d'Allah, et zot pour gagne tout saki zot bizin. *Insha-Allah, Ameen, Allahumma Ameen*.

Maintenant couma nous dans le mois de Hajj et ki bane jours spécifiques de Hajj pé approcher, li ti bon mo cause quelques paroles lors sa sujet là.

MOIS HAJJ (DHUL-HIJJAH/ZIL-HAJJ)

Le douzième et dernier mois de calendrier Islamique c'est mois *Hajj*, ki nous appelle li '*Dhul-Hijjah*'. C'est ene mois rempli de bénédictions et couma so nom indiqué, c'est dans sa mois sacré là ki nous accompli le *Hajj*, le 5^{ème} pilier de l'Islam.

Dans sa mois béni là, nous bizin faire ene maximum de *Ibaadat*: bane *Salaat* volontaires (*Nafil*), le *Tilawat-ul-Quran*, garde Roza, lire *Tasbih* (Subhan-Allah) et *Takbir* (Allahu-Akbar), et donne

bane *Sadaqaat* etc. parski ena beaucoup bénédiction dans sa bane bons travaux là, surtout durant 10 premiers jours de *Zil-Hajj*.

Hazrat Hafsa (ra) fine rapporté ki ena quatre kitchoses ki le Saint Prophète Hazrat Muhammad (saws) zamais pas ti pé manqué pou faire, et entre autres ena : 1. Roza *Yawm-é-Achoura* (10^{ème} Muharram) ; 2. Roza du 1^{er} au 9^{ème} jour de *Zil-Hajj*; 3. Roza pendant trois jours (13^{ème}, 14^{ème} et 15^{ème} jours) de tous les mois sauf le 13^{ème} Dhul-Hijjah ki considéré comme interdit; 4. Accomplir avant 2-*Rakaat* obligatoire de *Salaat-ul-Fajr*, deux *Rakaat* de *Namaz Sunnat*.

Le Saint Prophète Muhammad (saws) fine démontré bane vertus de bane dix premiers jours de *Zil-Hajj*. Le jour ki trouve la lune, lire après Surah Al-Fatiha, Surah Al-Kaafiroun. Après Salaam, lire 21 fois *Ayat-ul-Qursi*, 21 fois Surah Al-Ikhlâss et 21 fois Darood Shariff. Ensuite faire zot bane *duahs* (supplications).

Aussi, dans le mois de Hajj (*Dhul-Hijjah*), ena ene grand et noble jour ki nous appelle « *Yaum-ul-Arafah* » (le Jour d'Arafat), c'est le 9^{ème} jour du mois. C'est sa jour là ki bane *Hajjees* zot trouve zot dans la plaine sacré de Arafat, et c'est ene jour ki considéré comme le point culminant du Hajj. Sa jour là, li recommandé pour bane ki pas accompli le Hajj pou garde Roza et pou faire beaucoup *Namaz (Salaat)* Nafil et *Tasbih : Kalima-Tawhid* et bane les autres *Tasbihs* ki zot conné. Le Saint Prophète de l'islam Hazrat Muhammad (saws) fine dire ki celui ou celle ki garde Roza *Yaum-é-Arafat* (le Jour de Arafat), Allah (swt) pou efface pou li tous so bane péchés de l'année précédent et de l'année en cours. (Muslim)

Le 10^{ème} jour du mois de Dhul-Hijjah c'est jour *Eid-ud-Douha* (ou *Eid-ul-Adha* ou *Bakr Eid*) ki célébré par bane musulmans du monde entier et ki faire aussi le *Qurbani*, en commémoration de sacrifice de Hazrat Ibrahim (as) et de so garçon Ismail (as). Nous bizin pas oublié ki le jour d'Eid, que ce soit *'Eid-ul-Fitr* ou *'Eid-ud-Douha*, li interdit pou garde Roza. C'est à noter aussi ki trois jours après *'Eid-ud-Douha*, li interdit pou garde Roza ; c'est-à-dire, 10^{ème} (*Bakr Eid*), 11^{ème}, 12^{ème} et 13^{ème} Dhul-Hijjah.

TAKBIR-E-TASHRIK

Par ailleurs, nous bizin pratique aussi « *Takbir-e-Tashrik* » après bane *Salaat Farz*, à partir de *Salaat-ul-Fajr* du 9^{ème} jour jusqu'à *Salaat-ul-Asr* du 13^{ème} jour de Dhul-Hijjah, kot sa faire 23 *Takbir* au total.

Bizin lire *Takbir-e-Tashrik* c'est-à-dire, « *Allahu Akbar, Allahu Akbar, Laa Ilaaha Illallah Wallaahou Akbar, Allahu Akbar Wa Lillaahil-Hamd* », en trois fois, et dans ene la voix modéré.

Traduction : « *Allah Grand, Allah Grand, pas ena aucaine les autres bondiés aparte Allah, Allah Grand, Allah Grand et à Allah appartenir tous bane louanges.* »

HAJJ

Le mot 'Hajj' veut dire pèlerinage ou une visite sainte (qui est remplie de bénédictions). Dans le cadre de *Shariah* (la loi islamique), il veut dire le grand pèlerinage annuel à Makkah-Shariff que tous les musulmans du monde vont faire. Tous les musulmans, en l'occurrence tous les *Hajjees* vont faire le Hajj dans un circuit bien défini (Makkah-Mina-Arafat-Muzdalifah-Mina-Makkah). Hajj comme on le connaît c'est le 5^{ème} pilier de l'Islam. Il est donc obligatoire pour tout musulman qui a les moyens physiques et financiers pour accomplir son pèlerinage là et sa, au moins une fois dans sa vie.

Le Hajj c'est un grand *Ibaadat* qui a beaucoup de points et de détails, mais nous pourrions traiter aujourd'hui dans sa Khutba là seulement un bref de ses moments principaux qui sont les pèlerinages. En principe général, il est un tel voyage qui représente un grand moment de sa vie religieuse et spirituelle, et avant de partir pour aller accomplir son Hajj, on se prépare bien même pour sa. On croit que si on fait l'intention de faire Hajj et qu'on commence à faire tout le processus, on se prépare moralement et spirituellement pour l'accomplissement de son grand acte d'adoration là. On se documente bien et prend tous les renseignements sur les rites de Hajj et les autres informations qui sont utiles pour lui là-bas, jusqu'à arriver le jour de son grand départ. Pour ceux qui ne sont pas encore dans l'Islam et qui vont pour la première fois pour aller accomplir le Hajj ou l'Umrah, on les aide là-bas sur place avec des « *Mu'allim* » (éducateurs) pour leur donner de l'aide. Tout au long de Hajj, tous les *Hajjees* sont plongés dans l'*Ibaadat* et dans des *doahs* programmés spécialement pour le Hajj.

Tous les pèlerins (*Hajjees*) du monde entier convergent vers la ville sacrée de Makkah pour accomplir l'*Umrah* en attendant que le 7^{ème} jour de Dhul-Hijjah vienne qui marque le début de son programme de Hajj qui dure jusqu'au 10 Dhul-Hijjah. Après le 10 Dhul-Hijjah, on a trois jours de rites post-Hajj (après-Hajj), qui commencent le 11^{ème} jusqu'au 13^{ème} jour de Dhul-Hijjah.

Quand arrive le 7^{ème} jour, tous les *Hajjees* rentrent dans le périmètre sacré, qui est délimité par l'enceinte de Kaaba (*Miqate*) et après que on se baigne dans un grand bain (faire *Ghussal*) spécial, on se met dans l'état *Ihram*. C'est quoi l'*Ihram* ? C'est des vêtements blancs qui ne se froissent pas, et tous les *Hajjees* mettent comme un uniforme à l'image de ceux des pauvres, parce que dans l'enceinte de la case sacrée d'Allah (*Miqate*), on ne présente pas de mendiants devant la porte d'Allah. Et alors tous les musulmans qui font le voyage depuis toutes les parties de la terre, on les aide à mettre même l'habillement dans l'enceinte de la Kaaba, c'est-à-dire, *Ihram*.

On commence les activités de Hajj autour de Kaaba Shariff en faisant son tour (*Tawaaf*) 7 fois (dans le sens contraire de la rotation d'une montre). On fait une escale sacrée auprès de "Maqam-é-Ibrahim" (station d'Ibrahim) et on fait là-bas un Namaz spécial de 2-Rakaat. On boit de l'eau *Zamzam* (*Zamzam* c'est sa source pure et miraculeuse qui se trouve à proximité de

Kaaba Shariff). Zot faire le “*Sa’i*”, c’est-à-dire, sept trajets de course-à-pied (marche vite) entre bane collines de Safa et de Marwa.

Le 8^{ème} jour de Dhul-Hijjah, zot faire ene circuit et dirige zot donc vers Mina, dans banlieue de Makkah, pour passe la nuit et faire bane *Ibaadat* spéciale. Et zot dirige zot ensuite vers la plaine de Arafat le 9^{ème} jour, kot sa constitué le pilier du Hajj pour faire encore bane *Ibaadat* spéciale. Zot prend ensuite la route pour Muzdalifah là aussi pour bane *Ibaadat* spéciale. De Muzdalifah, zot retourne vers Mina avant prend direction pou retourne kot Kaaba dans Makkah pou rase zot la tête et faire à nouveau le *Tawaaf* ki appelle ‘*Tawaaf-é-Ziyaarah*’ ou ‘*Tawaaf-é-lfaadah*’. Zot faire rase zot la tête (*halq*) – pour bane missiés ; ou faire coupe symboliquement zot cheveux (*Taqseer*) – pour bane madames. Bizin préciser ki bane madames faire coupe zot cheveux seulement de la longueur d’ene pouce seulement. Zot accompli auss le Qurbani. Bane *Hajees* à ce moment là zot alle change zot, c’est-à-dire zot change zot bane linges kot zot retire le Ihram et habille zot dans bane linges ordinaire (de tous les jours). Le Hajj, par définition, li pou à ce moment là, terminé, le 10 Dhul-Hijjah, jour fête *Eid-ul-Adha/Eid-ud-Douha*.

Mais, bane *Hajees* pou retourne à Mina pour passe encore trois jours (ki inclure dans bane programme post-Hajj (après Hajj), bane 11^{ème}, 12^{ème} & 13^{ème} jours de Dhul-Hijjah) en vue pou accomplir bane les autres *Ibaadat* et pou participe dans lapidation de bane 3 *Jamraate* (bane poteaux en roches ki symbolise satan le maudit). Bane ki pli ena la chance (c’est-à-dire, bane ki ena l’argent nécessaire pour le voyage) pou gagne aussi peut-être l’occasion pou visite bane différent l’endroit, masjids, et cimitières aux alentours de Makkah Shariff.

Ensuite, de retour à Makkah, après ene dernier *Tawaaf* ki appelle ‘*Tawaaf-al-Wida*’, bane *Hajees* quitte Makkah pou alle rendre visite tombeau du Sceau de bane prophètes, Hazrat Muhammad (saws) à Madina et zot pou passe là-dans en général au minimum 8 jours (pou capave faire 40 *Salaat* consécutif dans “*Masjid-é-Nabawi*” (Masjid de nous bien-aimé Prophète (saws))).

Et aussi ene croyant, si li gagne l’occasion faire *Salaat* ou passe ene moment dans saki appelle “*Fragment-du-Paradis*”, ki au fait c’est l’espace entre mimbar et le tombeau du Prophète (saws) et ki auparavant ti so la caze, alors si li réussi gagne sa l’occasion là pou profite de sa place et moment là dans *Ibaadat*, alors sa aussi ene grand moment spirituel dans so la vie.

Bane ki ena le moyen, zot pou fer aussi le ‘*Ziyaarat*’, kot zot pou visite bane différents l’endroits, masjids, cimitières aux alentours de Madina.

Le moment du départ li en général ene moment de déchirement pour lé cœur d’ene croyant, parski c’est en vérité pas facile pou quitte la ville bénie de nous bien-aimé et cher Prophète Hazrat Muhammad (saws).

Ene dimoune capave aussi accomplir ene *Hajj-badal* pour dimoune ki fine mort dans so famille ou n'importe ki lézot dimoune mort, à condition ki avant sa, li fine fini accomplir so propre Hajj (dans le passé).

L'UMRAH

Le mot « *Umrah* » en arabe veut dire 'visit ene l'endroit peuplé', mais dans le cadre de la loi islamique, li veut dire 'tipti pèlerinage' à La Mecque (*Makkah Shariff*).

Si Hajj d'ene côté, faire en ene circuit défini et ki accompli dans seulement période ki fine réservé pou Hajj (en d'autres mots, de 7 à 10, voire même 13 Dhul-Hijjah), en revanche, Umrah, li pas obligatoire mais li hautement recommandé, et capave faire li (Umrah) tout au long de l'année, même en dehors de période de Hajj et sur place auprès de Kaaba-Shariff, dans l'état d'*Ihram*.

Umrah composé de trois grands étapes, ki pareil pou Hajj:

- 1) *Tawaaf* autour Kaaba : sept létours dans le sens contraire de bane z'aiguilles d'ene montre.
- 2) '*Sa'i'*', kot c'est bane sept trajets de course-à-pied entre bane collines de Safa et Marwa. Et aussi, boire delo *Zamzam*.
- 3) Raze la tête (*Halq*) ou coupe cheveux (*Taqseer*).

Kan sa trois grands actions là fine fer, *Umrah* terminé. De ce fait, beaucoup de bane dimounes (pèlerins) ki physiquement ena la capacité, zot capave accomplir plusieurs *Umrah* dans ene journée, à condition ki à sak fois, ki zot sorti de *Miqate* (l'enceinte de Kaaba) pour alle mette *Ihram* pour ene nouvo *Umrah*.

Nous faire duahs ki *Insha-Allah*, pareil couma Allah fine promette nous, la porte du Hajj ouvert pour nous, et *Insha-Allah*, nous gagne définitivement la chance pou accompli sa 5^{ème} pilier de l'Islam là avec gaieté et humilité du cœur en remerciement à Allah. Et ki Allah *Insha-Allah* donne courage et patience à tous bane familles de bane dimounes ki fine mort dans l'enceinte de Kaaba Shariff. Et ki Allah accorde nous aussi dans la Jamaat UI Sahih Al Islam l'occasion pour donne nous la vie dans le chemin d'Allah, et gagne le plaisir éternelle d'Allah, lors sa la terre là et dans l'au-delà. *Insha-Allah, Ameen*.